



ISTRAGE SIPA provela akciju zbog ratnog zločina u Konjicu

Među 13 uhapšenih i šef 'Akrepa', odranije sumnjičen za Repovce

Interesantno je da je hapšenje izvedeno baš dok naš list feljtonizira pisanje „Slobodne Bosne” o zločinima koji su 1992. godine potresli Hercegovinu

Postupajući po naredbi Tužilaštva BiH, policijski službenici **Državne agencije za istrage i zaštitu (SIPA)** jučer su na području Konjica i Sarajeva uhapsili 13 osoba osumnjičenih za zločine protiv čovječnosti nad žrtvama srpske nacionalnosti. Uhapšeni su Šefik Nikšić, Adnan Alikadić, Mitko Pirkić, Safaudin Čosić, Muhamed Cakić, Ismet Hebibović zvan Bročeta, Redžo Balić, Hamed Lukomirak, Almir Padalović, Sead Jusufbegović, Senadin Čibo, Agan Ramić, Esad Ramić.

Pirkić i Rekić

Interesantno je da je ovo hapšenje izvedeno baš dok naš list u okviru feljtona o političkim ubistvima prenosi pisanje „Slobodne Bosne” o zločinima koji su 1992. godine potresli Hercegovinu. U konjičkom selu Repovci u julu 1992. godine ubijeno je devet Bošnjaka, vojnika i policajaca Armije RBiH, a nakon toga uslijedi-



SIPA: Akcija izvršena i na području Sarajeva

la je odmazda nad srpskim civilima.

Jučer je iz Tužilaštva BiH zvanično saopćeno da su uhapšeni nekadašnji dužnosnici struktura Armije RBiH, Teritorijalne odbrane i MUP-a u Konjicu. Na teret im se stavljaju zločini nad više desetina

žrtava srpske nacionalnosti u Bradini, Konjicu i drugim mjestima.

- Radi se o osumnjičeni- ma za zločine počinjene u proljeće i ljeto 1992. godine, na području Konjica i okoli- ce, koji su rezultirali ukla- njanjem i prisilnim pre- seljenjem gotovo cjelokup-

ne populacije stanovništva srpske nacionalnosti s tog područja. Među navedenim zločinima, obuhvaćena su ubistva, mučenja, silovanja, zlostavljanja i progoni žrtva - saopćeno je iz Tužilaštva BiH.

Upravo jučer uhapšeni Pirkić je bivši komandant jedinice „Akrepi“, čije se ime, uz ono Seada Rekića, ratnog vođe odreda „Dido” iz Pazarića i bliskog sa- radnika bivšeg oficira KOS-a Fikreta Muslimovića, najčešće spominje u tekstovima „Slobodne Bosne”, koje naš list ovih dana feljtonizira.

Zolje i napadač

Tako je, između ostalog, „Slobodna Bosna” 2004. godine detaljno opisivala da je vojna istraga koju je koordinirao Muslimović namjerno tragove vodila u krivom smjeru. Taj prošle godine ugašeni sedmičnik je i 1998. pisao kako je jedna od verzija bila da su izvršio ubistva u Repovcima pripadnici diverzantskih jedinica „Akrepi” i „Dido”.

- „Akrepima” je komandovao Mithad Pirkić Mitke i bila je u sastavu TO Konjic- pisala je „Slobodna Bosna” 1998., dok je u tekstovima iz 2004. objavila saznanja da su jedinice „Lešinari”, „Akrepi” i Vojna policija raspola- gali „zoljama” koje su is- paljene na vozilo u kojem je bilo devet nesretnih vojnika i policajaca ARBiH, a da je ranjen i napadač na ovo vo- zilo te da je u pitanju vojnik jedinice „Akrepi” Mito No- valić, koji je bio blizak Re- kićev prijatelj. **M.A.š.**

Šta je otkrio Nermin Mangić

Nermin Mangić, brat jednog od ubijenih u Repovcima kod Konjica, svjedočio je u ispovijesti za SB da su u julu 1992. nakon ubistva devet pripadnika ARBiH Redžo Balić (od- ležao nakon rata sedam go- dina za ubistva srpskih ci- vila) i Midhat Pirkić, ko- mandant „Akrepa”, bloki- rali srpska sela Zukići, Donje Selo, Bjelovčane, Dža- jiće, Bradinu i Brdane.

Među jučer uhapšeni- ma, osim ova dva imena u tekstovima SB-a koje ovih

dana naš list feljtonizira, spom- inje se i Hamed Luko- mirak kao jedan iz Balićeve grupe koja je, prevozeći za- robljene Srbe u zatvor Čele- bići, prvo ih odvodila u bazu „Akrepa” u Konjicu. Prema pisanju SB-a, užasno mu- čenje prošli su braća Veseljko i Vaso Đorđić te još jedan Srbin kojem su u autobusu odrezali uho te u toj u mon- struočnoj torturi Đorđići „priznaju” da su Srbi ubili devetoricu bošnjačkih mo- maka.

- Kasno navečer „Akre-

pi” ubijaju Jelenka i Andu Đorđić, roditelje braće Đorđić, neke Sofiju i Ma- riju, pale kuće. Mislim da je ubijeno 11 Srba, a ubis- tva nastavljaju druge je- dinice po Bradini - tvrdio je Mangić u svjedočenju za SB, koja je pisala i da su se ubistva srpskih civila u znak odmazde za boš- njačke žrtve iz Repovaca proširila i na Konjic, gdje je pored porodice Golu- bović ubijen i vojni po- licajac Dragan Živak - pi- sala je „Slobodna Bosna”.